

0 10 20 30 40 50 60 70 80 90 100 110 120 130 140 150 160

Inches 1 2 3 4 5 6 7 8 9 10

Centimetres 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27

22.6222  
1232.073  
118

登州府志



Kodak Color Control Patches

增修登州府志卷之六十一

藝文

經部

增輯易象圖說一卷

蓬萊吳脈鬯著


脈鬯字灌先明崇禎九年副貢生南渡授杭州推官不就歸里不仕圖說凡二十三篇惟側立方圖以爲豎圖乃其所自悟者以此爲立人之道與天圓地方參而爲三理亦不涉傳會

周易卦變解一卷

八宮說

附

右人著



與朱子本義同此本後附詠易詩三篇

周易醒話六冊

右人著

上經自第十卦至十六卦下經自第一卦至二十八卦其繫辭傳祇上卷餘皆亡所話皆依本義而申明之兼引宋元人下及來氏諸說頗為明析

周易古本集注八卷

黃縣姜其垓著

其垓字萊西康熙二十一年進士雲南易門縣知縣此本乃丙子年被劾在昆明所著自序謂本其父宗海所手授即朱子本義原編而移大象於各

卦經之下象傳之上

用宋九江周燔說

其定十翼以象傳

象傳乾文言傳坤文言傳繫辭上下說卦序卦雜

卦為次

用宋胡旦說

未附麻衣正易心法及筮儀並本

義所列諸圖及焦氏希夷卦氣衛氏卦次納甲麻衣反對來氏錯綜諸圖皆為之說主於象數而不墮外道

思齋堂易說三十二卷

福山蕭嚴著

嚴仕名程儼字長經康熙三十八年舉人河南遂平縣知縣自序為乾隆二年閏九月朔年七十有

五言自康熙乙丑三易彙而後成首二卷爲圖說  
筮法三卷至二十二卷爲經傳正文畫冊爲二截  
列經於上列傳於下仿本義原編法其文言及繫  
辭諸傳則仍坊刻式二十三卷至二十六卷爲卦  
變圖本來氏綜卦義而解之二十七至三十一卷  
爲雜說三十二卷爲易叶音分經傳各叶而於傳  
校密以毛氏古今通韻爲主亦不能悉合也

勉德堂讀易直解四卷

黃縣杜桂著

桂字岩仙乾隆十七年舉人貴州遵義縣知縣此

本惟卽坊刻本義於其邊際附著所見但詮理解  
不及象數亦爲清慎

易經續圖纂

易經旁注

萊陽李晃著

晃乾隆五十一年恩榜舉人加檢討銜圖纂冊  
面署東耐堂序題乾隆四十年錄旁注本面題乾  
隆癸丑年正陽之月八十有七手訂注亦無所發  
明圖則多主先天方位而深有取於來氏錯綜義

周易精擇錄四卷

右人著

乾隆四十年山東提學黃登賢序皆采先儒成說

與本義相依附

易學啓蒙節要一冊

寧海曲繩文著

推論河圖洛書為一理由圖書以畫八卦之次序為先天後天之方位先天出河圖後天出洛書又撰揲扚之法一變而後不除挂一未附納音圖說與容齋四筆第十卷法不同亦自簡明此本祇二十三葉

易緒一卷

文登金鏞著

鏞字序東乾隆四十四年舉人汶上教諭多取折中義

易纂四卷

福山王善寶著

善寶字斫軒乾隆四十二年舉人萊蕪訓導多用胡氏函書說以乾元為統宗

周易緣象闡微

蓬萊姜麟士著

麟士字振趾此書演易林一卦具六十四卦之旨以三家瞳人解需三人來則鑿而鄙矣然通以寡過為宗則有合居象玩辭居變玩占之意以道光四年歿年八十六嘗自推其亡日卷首有徐壽名序

增修登州府志卷三  
周易直解二卷

棲霞牟應震著

應震字寅同乾隆四十八年舉人以青州教授歸歿於道光五年臨終猶改二爻義之未安者時年八十二

讀易解象二卷

榮成王佩摺著

佩摺字辰山諸生此本仍本義原本而以彖曰爲彖傳六爻象曰爲爻傳大象上加大字而移於爻傳之末以此爲孔子易本於折中義亦可通

同文尚書三十一篇

棲霞牟庭著

庭初名廷相字陌人乾隆六十年優貢生此本用伏生二十八篇之舊而分盤庚爲三顧命康王之誥爲二如孔傳本以文侯之命卽襄王命文公所  
作

今文尚書二十八篇解

招遠楊鍾泰著

鍾泰字伯山嘉慶六年舉人長山訓導此本從閻百詩以今文爲真尚書之說而爲之辭然其訓詁仍不外孔蔡未能使經義文從字順也

禹貢讀本一卷

寧海曲由典著

由典字景樊分各州土壤物產賦貢類從爲篇以便初學記誦言萊夷作牧句宜與桑土雲土句一例不宜入貢章至于碣石入于海非指河口言尚爲有見

典謨要義一卷

文登徐士林著

士林字式儒康熙五十二年進士官江南巡撫此本凡五篇一爲欽明文思安安二爲闢四門三句三爲德惟善政二句四爲慎厥身修思永五爲元首明哉三句乃乾隆五年十二月十一日恭進以

爲奉賀元日方物文也皆由心性以達政事之言

奉 硃批語不云乎贈人以物不若贈人以言也

此本非詁經而合經訓故附於經類

讀詩得閒錄一卷

寧海孔傳萃著

傳萃字笠園諸生以清人之軸宜與碩人之軸義同角枕錦衾據周禮玉府及喪大記爲諸侯斂服武丁孫子武丁宜指湯言皆爲有見

毛詩質疑六卷古韻五卷雜論一卷奇句韻考四卷

韻譜一卷名物考七卷

棲霞牟應震著

已見

增修五州府志卷之二  
六  
多不從朱傳與毛鄭亦不合如名物考以鶴鳴于  
埳謂卽爾雅萑老鷓之萑然說文佳部作萑注小  
爵也亦與其說不同蓋好立異義其習然也

詩切

棲霞牟庭著

見

其說以爲漢人但有訓詁而不爲講義以故文理  
多不從順此編先詳訓詁以定字義復繹爲成語  
以達於文辭使誦者易於解悟其於訓詁引證詳  
博有資多識而於切語皆演經以爲有韻之文如  
後世雜體詩式大雅殊不當爾也且多以里言傳

會經義亦治經之一蔽

春秋集傳折衷錄三十三卷

黃縣姜其垓著

見

自序以爲自三傳以迄元明諸儒所述皆取其長  
成一家言抉聖之心執經之權未免意過其通但  
執意謹約無夸誕之習而以亳社災爲夫子素王  
之祥沿讖緯餘語殊爲失言

春秋說略十二卷

棲霞郝懿行著

懿行字恂九嘉慶四年進士據直書其事而美惡  
自見之義以爲經無所褒貶亦治經之一端耳



春秋比一卷

右人著

舉凡事之同類者分別而類合之以為比事屬辭之例亦通經之一端也然與漢人春秋決事比邇不相涉自序以為沿漢法非也董生春秋決事比今佚而禮記檀弓疏及通典太平御覽中尚有引之者與此不同

戴經集解一卷

榮成王佩搢著

已見

於注疏集說外頗有搜採王制養老用燕饗食禮以為皆借義乃仿照其儀法月令祀不用犧牲以

為宜依蔡氏章句祀本作祈解皆精細

爾雅義疏

卷

棲霞郝懿行著

已見

其本凡三刻初刻入阮氏芸臺 皇清經解其後

陸立夫為專刻於江寧然皆有節刪今本乃其孫聯薇刻於濟南者懿行一生學力悉在此書校邵氏義疏為精密矣

纂敘朱子大全精言十二卷

文登呂瑤著

瑤雍正十年舉人按其自序乃自康熙乙未至乾隆甲子始定蓋用桐城周大璋本而次序之亦為

制義作計耳

四書叢談五卷

文登邵紳書著

紳書字誠一此本凡三百一十八篇不泥集注擇近世講義之善取之尚不迂繆

四書講義切近錄三十六卷

蓬萊楊大受著

大受字含光乾隆五十九年舉人官青州訓導自序成於道光甲午年八十五老於校官故竭力四子書尚無幽曠之習

四書求是十六卷

福山王餘英著

餘英號菊潭嘉慶十四年進士湖南寧鄉知縣此本出其家刻多評駁集注亦近人爲漢學者之習然據引故實尚不疎糺至謂爲衛君宜從出公郊迎之說則前人已斥其非矣

四書備參二十六卷

黃縣王餘厚著

餘厚字子慎道光十七年舉人集錄前人講義與集注相發明爲制義作計亦頗詳密其校正經文字之假借異同爲初學起見亦爲場屋作地也

讀書餘味八冊

右人著

其七八二册皆告子盡心二篇解似非一書也

校正說文十四卷

棲霞牟庭著見

校毛氏汲古閣本之誤字據他書所引者正之義

皆詳實

說文廣詁十四卷

棲霞郝懿行著見

即說文原本字下附注別解之出於漢魏間諸書

者此本乃其在試闈掌膳錄時所輯故皆用黃筆

養正編二卷

福山王德瑛輯

德瑛號蓮墅嘉慶十九年進士此本乃鈔撮小學

諸書村塾所素習者也

順正編四卷

右人輯

此本乃鈔撮女誡女論語內訓闕範諸篇亦小學類也

日省齋讀曲禮內則注

右人著

亦為小學作計故不入正經類

校正易林

棲霞牟庭著見

定為東漢崔篆作以焦為崔之訛未附崔駰傳唐書宰相世系崔氏表

增修登州府志卷之六十二  
投壺算草

右人著

據經文所著壺徑度以覈壺之容量分爲細草以求實數所以訂注疏之不合

山海經箋疏十八卷

樓霞郝懿行著

見已

此本爲阮元所刻有元所作序按山海經四庫書不列經類今以名從經附著之

增修登州府志卷之六十二

史部

續高士傳二卷

萊陽張允掄著

允掄字弁叔明崇禎七年進士此編續皇甫謐本故以謐爲首而終於元末凡二百十八人自序謂明世法令嚴峻士不敢不爲君用以薄宦早休可當其次蓋允掄居官廉介國變不復出者僅四十年其作高士廉吏二傳意以自寓也但傳中多已通仕版者與史例稍異

廉吏傳三卷

右人著

上卷百六十一人中卷二百六十五人下卷二百五人末又附蕭梁時一人周代介之推爲首終於元季伯都以辭爵祿之介之推原思爲廉吏亦以自況耳非確論也

竹書紀年校正十四卷

棲霞郝懿行著

見已

此書今坊刻皆作二卷此本據唐志分爲十四卷帝紀一夏紀三商紀四周紀六而疑此書古有二本及其注非沈約撰皆有證據

補宋書刑法志食貨志

右人著

皆摭紀傳中事相涉者成之頗爲翔實

晉宋書故宋瑣語

右人著

鈔撮二書故事以類相從瑣語則摭語之新異者如世說新語例可資談助

附錄列女傳補注八卷列仙傳校正二卷

福山王婉侗著

婉侗字肇圓郝懿行之繼室也故附郝氏書次

周公年表一卷

棲霞牟庭著

見已

原在同文尚書中或別錄專行亦有二本其一本  
附刻詩切我徂東山篇於後

古今年表一卷

右人著

起唐堯丙子訖明崇禎甲申

名士年譜一卷

右人著

始宋建隆元年至 本朝嘉慶二十年記其人之  
生卒亦間記遺事乃補劉寄菴大紳所纂非定本  
也且屢書隨園修葺次數似爲袁枚作者殊爲贅  
筆

東海筆談六卷

文登威海郭文大著

文大字光瞻雍正十三年拔貢生官黃陂縣丞此  
本有雍正八年王蘭生序首卷志 上諭一卷記  
學宮位次祭儀二卷記赴新陽路次所見三卷則  
時事故事隨錄四五卷同六卷志登州八屬二衛  
學人成進士者之姓名科分歷官亦兼及雜事其  
編次簡核可備志槩

平志備錄一卷

文登陶易著

易號梅軒乾隆十七年舉人此本乃其任平定州

增修登州府志卷之三  
時修造諸記凡五篇

歷代統系四卷

萊陽初鶚齡著

此本乃重輯高郵人夏洪基本以元上都開平爲  
今大名府開州其紕陋可知

張氏家乘五卷

萊陽張輯

明大理寺卿張夢鯉所著詩文與其碑表事蹟及  
其家子孫凡有可書者皆編之爲仁義禮智信五  
集今惟見其仁集四冊禮集五冊智集一冊亦譜  
牒類也故附入史類

蘿溪史輯四卷

文登陳倌著

倌號蘿溪嘉慶十八年舉人霑化訓導此編自晉  
書下訖明無凡例無次敘每錄一事多於上方標  
目數字以爲表識亦有推闡抑揚之意

全史詩

蓬萊張香海著

香海字牟子道光十五年舉人此編皆七言律體  
多至數百千首嘗刻於四川而今惟見其寫本詩  
不能工爲附史類

萊陽縣志彙二卷

萊陽張允齡著

允齡字如九貢生旌德知縣初修志稟多取材於此本原稟今尚存其家

秦州紀異一卷

凡三編

治蜀條約一卷

治蜀讞案一

卷

萊陽宋琬著

琬字玉叔順治四年進士紀異乃秦州地震具詳災民情形求卹及上司批覆文案 條約乃康熙十一年為四川按察使時所立章程讞案乃其審斷判語也皆事理詳盡文亦簡淨不俗

貞孝節烈傳一卷

文登林培玠著

培玠字用觀嘉慶十二年順天副貢此本皆文登列女其後邑諸生宋允和字繼正亦有此傳二本多互見皆可資縣志

東牟紀事

蓬萊張香海著

已見

此本乃道光二十年夷匪滋擾時登州修築沙城製造礮位諸務香海皆與襄事故紀錄特詳又海內諸島其遠近形勢亦具詳錄可備志略

府志補遺考證一卷

寧海宮卜萬著

卜萬字壽卿諸生補登州職官唐七人五代四人



增修登州府志卷之三  
宋五人元一人皆有證據

增修登州府志卷之六十三

子部

傳習心談十四卷 補遺二卷

文登劉必紹著

必紹字紹文明隆慶二年選貢生官保安知州此  
本自序成於萬曆十五年丁亥卽在保安訓諸生  
所作也亦爲應試制義起見故冠以破題字義一  
篇其書皆講明四書而閒及時事以天德王道爲  
指歸以心學爲宗旨亦王文成之支流而與朱子

相依附爲大學補傳作解尚遵功令也以關雎爲  
太姒薨後作亦爲別解

庭訓說約一卷

文登劉濡恩著

必紹子

睿養圖說一卷

招遠楊觀光著

觀光字用賓明崇禎元年進士此本爲少詹事時  
所進末附呈進原疏爲十二年六月二十六日其  
書以養性養氣養體爲圖性則自自明以至於天  
下分精一爲知行氣則自太極以至復卦以夜氣  
爲宗體則自太極兩儀及乾坤各交六子之十二

卦合之十二月二十四氣爲消息然性以良知爲  
宗亦王氏之緒餘非孟子之本旨也

參兩圖說二卷

右人著

其書取天象十五地形十合而成圖各系以說卽  
十五象十形各系以詞如易卦彖辭名曰繹每繹  
分九粵如卦爻辭每粵各系以諫如爻之有象傳  
後復係詞四篇以仿易繫辭傳以下諸篇又係以  
靜生圖仿易林重卦之例觀光好深湛之思如其  
家子雲此本與睿養亦規撫法言太元惟其有之

是以似之也

致知小語四卷

右人著

書分天地人物各即可知者推演之亦稍有理解  
雜說一卷

右人著

亦小語之贖義

紀效新書四卷 練兵實紀十卷

蓬萊戚繼光著

繼光字元敬明史有傳此二書皆著錄四庫書目  
提要

水戰圖說一卷

此書不著撰人而多取戚氏說非繼光書也

吉金所見錄十八卷

萊陽初尚齡著

尚齡字渭園此本皆其所見古錢摹其字形爲之  
圖說卷末爲考古瑣言

釋老

棲霞牟庭著

已見

其書以老子章句文字多舛錯據他書引用者證  
明之大氏謂本書皆韻語卽其合韻者斷以爲章  
而博考古文音韻以爲依據雖不盡合亦多證佐

至道可道之可宜讀爲何卻走馬以糞句宜連下讀亦有義意

校正孫子

右人著

以孫武與伍員爲一人據託其子於鮑氏爲王孫氏爲徵亦以孫武不見春秋傳從爲之詞也

校正韓非子四十五篇

右人著

本書原五十五篇爲並合之其第二十卷忠孝篇校曰韓非子記曰舜見瞽瞍其容造焉孔子曰當是時也危哉天下岌岌有道者父固不得而子君

固不得而臣也墨子非儒篇去舜見瞽瞍就然此時天下岌乎周公且非其人也邪何爲舍其室家而託寓也牟氏庭曰蓋野人之意以爲舜以瞽瞍爲臣而不安於心此時若避而去之則天下亂矣唯其忍而安之則天下定矣此所謂危哉岌岌者也舜終不爲父之子周公終不能不爲君之臣此所以非周公也

云案得此解而孟子咸丘蒙章

之意乃明野語之非乃著亦證其校書之審也

校正淮南子

右人著

二書皆多所添注塗乙然並有證據不爲武斷足  
徵勘校之勤

荀子補注

樓霞郝懿行著

已見

因楊注有未盡補正其疏漏並考訂楊氏家世皆  
不草草惟末附與人書二篇力推荀氏當在孟子  
之右終爲失言

寶訓八卷

右人著

義民齊民要術分穀菜果木畜屬爲部每章以諺  
語爲開端蓋取義於農家者流之言從其類也但

所引古語多不注出何書雜以今語亦不言傳自  
何人殊非著述之體且於桃李門引史記李將軍  
傳贊已爲長語下又引入李下無蹊徑五字尤爲  
不當此本今已刊行故存其目

贊化一篇

西銘解一篇

太極圖說一篇

羣書

貫二篇

海陽趙燮著

燮字咸平諸生贊化仿西銘以一身象天地二解  
惟畧明本義羣書貫則出入五經四子書而以自  
已躬行實踐者發之亦見篤信好學之力其曾孫

洛衍刻之

勤業堂雜著一卷

寧海曲觀光著

觀光字賓甫此本雜錄先儒講學之語亦多自所  
論說以立志始勤學止後半為四書會心纂亦同  
此意其自序為嘉慶九年

家禮繫辭二卷

寧海曲由典著

已見

自記其家所行喪祭之儀節皆即民俗通用之常  
法參以朱子家禮證辯頗為詳明而引據  
會典  
能得不悖之旨

天文輯要六卷

蓬萊初延年著

延年字子山恩貢生此本輯前人天日月星辰數  
歲差諸事萃為一編其分比列宿限度旦昏中星  
躔次更鼓時刻具見明備

宦蜀紀程四卷

蓬萊張香海著

已見

此道光二十九年香海由登州赴四川候補記其  
路次所聞見可資考證亦以知當時道路險易之  
實附記武侯墓一條亦以見侯之遺愛在人

求通錄十三卷

福山王兆璣著

增修登州府志卷之六十四  
六  
兆璣字竹生監生所言皆算法推測詳密而點竄  
塗改甚多非定本也

翼周六卷

右人著

推衍太極圖說而發揮之故以名書雜取二氏說  
以附經非儒家正義也

增修登州府志卷之六十四

集部

南游錄三卷

文登王悅著

悅字恭軒歲貢生此本卷一爲錄敘其成化某年  
自文登抵松江歸自江寧由太康旋里途中所歷  
並記雜事卷二卷三皆爲詩凡二百餘篇詩真率  
而多傷流易

郭康介公集一卷

福山郭宗皋著

宗皋字君弼明嘉靖八年進士此本爲嘉慶二十

五年邑人王善壇所刻跋曰兩卷體不備似佚其中卷云今祇存六十五葉蓋其下卷也文體絮靜詩亦清雅集中有莊浪修邊記乃其在戍籍時作也可備防禦之要惠鄉泉記亦有裨於地方利益及鄉前輩之遺澤

戚武莊公集一卷

蓬萊戚繼光著已見

按汪道昆戚公誌居薊余署其路寢曰止止堂藏其所著作爲止止堂集云今其本佚此本但近體七言詩十八首董承詔孟諸小傳戚少保南北

功傳列朝詩集小傳張江陵書一首王元美書一首李于鱗書二首而其父孝廉將軍傳及詩一首附焉

交繡閣詩草四卷 文一卷 萊陽張夢鯉著

夢鯉字汝化明嘉靖三十五年進士詩皆近體七律頗壯麗秋懷八首雖倣空同亦雅健不腐文祇四首筆意詳贍餘皆尺牘及官牒耳

觀我亭集四冊

文登劉必紹著已見

雜文三冊詩一冊詩平易清通文流暢詳盡多應



地仙登州府志卷之二  
酬通俗之作歲寒三友圖序謂孟浩然愛梅踏雪  
有詩云云此事本無所出乃沿元人傳奇語耳不  
足據也三鎮一覽圖說序筆法簡質

存痂草一卷 未刻草一卷 文登劉樾菑著

樾菑必紹孫明末歲貢生此本中有與趙伯濟王  
覺斯往復之作而詩皆蹇拙唯奇嬰一篇序尚嵐  
黃某夢僧悔今告以入劫不由產始得住世翼曰  
嬰母噬於狼腹破嬰出自注詳閭大司馬傳中云  
云可備異錄劉官山西布政司都事故知西事也

麗光樓詩草一卷

萊陽張嗣誠著

嗣誠字伯行明萬曆二十三年進士此本詩二百  
餘首五言清愜有意七言皆少雅致古體祇數首  
語意倔強不入破

鏡山菴初刪彙六卷

海陽高出著

出字孩之明萬曆二十六年進士舊刻本二十卷  
此本乃鈔冊末題云故刻殘佚蓋原刻多中年作  
有涉及遼事者其後人懼罪不敢出耳然鈔中秋  
感六首似作於天啓以後者而鈔者皆系其歲月

於萬曆三十年以前其諱深矣擬古亦沿于鱗習氣而閒出新意五古感遇錄別皆倣嗣宗七古清健倣少陵七律倣空同失處亦同之登人言詩者之先聲也

松柏堂後集一卷

寧海常康著

康字晉侯明萬曆四十四年進士其父秉仁有詩刻名松柏堂集故康稱後耳秉仁字崑菴又有草堂詩餘一卷康詞三闕亦附焉皆沿元人北曲套數氣息非樂府之正聲也此本刻尤劣謬字多不可讀

可讀

證思集十卷

招遠楊觀光著

己見

擬古沿于鱗派而魄力遠出其下且多閒以塵俗不見精采亦子雲規撫相如之遺派也

持忠集二卷

蓬萊張瑤著

瑤字琪草明天啓五年進士此本上卷為奏議啓事揭帖下卷為詩賦瑤以推官行取與萊陽宋玫爭欲得吏科不勝因相參揭至八上終以吏議謫其疏詆玫及高宏圖章光岳等語同怒罵唯謂玫

支離字句剽竊經史掩卷不知爲何題則深中當日萊陽文派之弊其詩半皆憤語夏蟲賦一篇尤極毒詈甚矣公孫之福也其安攘十策頗爲剴切瑤於五月見斥七月乃上此疏亦爲求進之計耳宜通政不爲上也且玫在河南知縣事本爲瑤屬吏乃不糾其失職及爭進不遂始揭之亦非由於公議也瑤死於崇禎五年叛兵之禍其氣節固足重矣

蘿石山房集四卷

梅花屋詩草一卷

別集一卷

左侍郎奏疏一卷

萊陽左懋第著

懋第字仲及明崇禎四年進士其文集凡三刻此本乃其裔孫中行刻於光緒六年者懋第明史有傳文亦沈果不苟作詩古拙不諧音律於七律尤甚以其人重故並存之

因樹廬集一卷

萊陽沈迅著

迅字羽公明崇禎四年進士明史有傳此本乃其裔孫鶴鳴據廬鄉集摺摭成之蓋迅以抗節死集燬於兵因樹廬乃其祖夢麒文集舊名故因以目

迅集而夢麟文并其二子文亦合編以傳迅文有奇氣詩不入律而自以爲能亦好奇之過也

敬亭集一卷

萊陽姜埰著

埰字如農明崇禎四年進士明史有傳其文集刻於江南此本乃鈔冊祇數十首詩亦祇十餘首蓋其後人已籍寧國而族人居萊者以集中多避忌語因諱之不肯出也文皆典實無藻飾有資史學

櫟里集十五卷

萊陽張允掄著

見已

集不分體而編年始於甲申元日終於戊午春正月望後自己亥至丙午爲望標集丁未戊申爲松岩集庚戌爲望標後集癸丑至乙卯爲映雪集丙辰丁巳爲安亭稿文與詩分合無定亦非定本也第十一卷不紀年乃在江西時文六首及琴室記一首餘仍雜錄第一卷中諸詩耳允掄以風節自持文清婉盡意詩不雜塵俗而乏文外遠致

厓西詩彙一卷

萊陽姜垓著

垓字如須明崇禎十三年進士其全集已刻於江南凡八卷此本乃其萊陽族人所傳鈔者雜體僅

二百首其七律如潤州秋懷九日京口長至書懷  
乙酉元日孟冬朔冬至贈高閣老喜錢二自桂林  
還諸作皆有少陵風力明史附其兄塚傳中  
丙戌集十六卷  
萊陽宋繼澄著

繼澄字澄嵐明天啓七年舉人此本其詩集也自  
四言風詩以及楚辭樂府無所不擬惟五言皆有  
古淡之致古體校勝集託始於丙戌故名

萬柳集一冊

右人著

此本其文集也凡八十四首附子瑚史論九首連

文二首繼澄有文名其黃侍御傳頗得古法史論  
法王介夫而無其筆力若瑚所作諸首差爲近之  
豈青堂詩一卷  
蓬萊吳脈鬯著已見

此本道光二十年所刻詩頗類擊壤集一派而語  
多清快

董氏遺藁一卷

萊陽董樵著

樵字樵明諸生甲申後移居文登此本其所著西  
山詩存一百五十首而其父應雷詩三十首其子  
道東詩五首亦合編焉乃嘉慶十三年福山鹿松

林所刻也樵有高節詩亦清拔應雷字震澤能詩  
賦宋琬嘗稱之與高出並重而其橐中所題吳小  
仙三老圖七古一篇今載張允掄櫟里集中  
隨緣草堂文橐一卷 守約堂集一卷

萊陽王章著

章字酉山順治四年進士前刻在其知并陘時後  
刻在其改官福建並補石首丞時而二刻中仍重  
出初刻數首文有才筆而好作支離曼延之詞詩  
一不精格律而自直率章少孤力學仕屢不遂晚陷

吳逆抗節行遯嶽奇厯落人也故所著皆以傲詭  
谿刻出之萊陽自萬厯之季陝人文太青爲令以  
別體文倡士林邑人風從之其體雜李卓吾袁中  
郎鍾退谷王季重諸人閒章宦游多涉其地遂習  
與性成不復自悟耳

安雅堂集十四卷

萊陽宋琬著

見已

琬嘗自定其詩文集官四川時燬於吳逆之變此  
本乃其子思勰摺摭成之者詩二卷文二卷蜀道  
集八卷二鄉亭詞一卷其應酬之文多不可存者

增修登州府志卷之八  
登州爲詩古文者自琬始有先民之矩矱雖其文  
精力不足而風華蔭映一洗樸樸之習前此未嘗  
有也

鞠氏家集 鞠御史奏議一卷 海陽鞠珣著

珣字觀玉順治二年舉人其論孫延齡不宜統定  
南府兵賦稅宜收銀錢各半鹽課宜照多少派入  
地丁均之於民不徵之於商皆有明驗

滋樹館彙一卷 玉署集一卷 足餘居詩草一卷

萊陽張瑞徵著

瑞徵字華平順治九年進士玉署集皆試卷及館  
課所作足餘居草乃未通籍時作也詩皆清雅嘗  
應詞科舉見 國史李贊元傳

信心齋彙四卷 海陽李贊元著

贊元字公弼順治十二年進士奏議三卷皆剴切  
詳明雜文一卷清贍而乏精力詩附文後爽拔勝  
於文 國史有傳

養素堂文集八卷 福山王騰著

騰字人岳順治十二年進士此本其五世孫善寶

所刻前四卷皆書牘五卷爲公案下三卷乃雜文也  
騰工於制義而明於辦公故其文曉暢縝密皆有作者模範首列年譜一卷 國史有傳

星石奏議一卷 拙存齋詩集三卷

文登呂琨著

琨字星石康熙十二年進士奏議簡明剴切詩清脫無鈍根語

棲泌園遺藁一卷

萊陽張重潤著

重潤字滄伯明恩貢生重潤名能古文然皆治明季萊陽餘派康熙十七年初修萊陽縣志實成於其手足爲文獻之徵

地僻藁一卷

文登董祚遠著

祚遠字九如五律三十首末有王阮亭唐豹巖評語按宋繼澄集有地僻詩自序壬寅二月坐黃封岳文石齋中有溫伯堅八分書對聯因取其中地僻二字賦五七言律絕各三十首云云此本蓋亦其時同作者也詩平淡無深致

獨石居文集一卷 藏山詩集一卷 漆渚集一卷



萊陽宋倣著

倣字大塗初名元伯字專菴

復社錄作正伯專菴

歲貢生獨

石居為古文集藏山集詩為宋連選定漆涪集詩則宋琬為之序文有逸氣詩爽拔不浮詞亦細熨而乏逸韻

文喜堂詩集十六卷

海陽趙作舟著

作舟字浮山康熙十八年進士沈鬱清壯而字句多生曠紀難五古長篇語意蹇躓意多不達此本其六世孫銘彝所刻

亭山園橐二卷

萊陽張重啓著

重啓字元公康熙十八年進士此本有乾隆十八年萊蕪呂思問序言集中有懷趙秋谷七言古詩曰怨而不怒感慨多云云今本無七古體則非全本也古文詩詞語意皆婉篤

呂思問字可亭萊陽教諭

既翁堂詩合橐二卷

黃縣姜其垓著

已見

上卷為滇游集下卷為叢篁居集共四十三葉詞氣清直不作猥雜語

約山堂詩集二卷

寧海李永紹著

一永紹字繩其康熙二十四年進士按其上卷第三  
 首憂蝗篇云辛未七月初下卷己未元旦篇云我  
 過古稀二十年云云而詩終於是卷則皆三十已  
 後作也未能雄深而有澹雅之致其丙午三月十  
 七日從遊 圓明園看杏花詩自注 上命內  
 使傳云鄉村飯大人們喫些罷四月五日賞牡丹  
 紀 恩注  
 上親諭云家常飯爾等喫些云云可備故實 熙  
 朝之嘉話也

峇嶺山房集一卷

福山謝乃實著

乃實字華函康熙二十七年進士此本已入 四  
 庫書集部存目

濠上園別集十二卷

萊陽張允瀚著 已見

皆萊陽雜事乃縣志彙也其所作善慶菴記及重  
 修松磬菴記皆已刻石亦簡實有文法蓋從學於  
 其從兄允掄淵源有自也

取此居文集二卷

萊陽周正著

正字公端康熙三十年進士此本乃日照李應薦

所刻在全集中祇十之二也

蟬餘集四卷

文登徐士林著已見

詩一卷奏稟一卷事實一卷文一卷公牘判牒等

附士林有至性其祭弟文情文宛篤論學及論弟

文語皆切實其典謨實義入經部

于龍河奏稟一卷

文登于可託著

可託字阿輔康熙五十四年進士此本凡三十疏

其論改折兩利革職解任者不宜刻緩刑部以雖

但二字草率了局諸篇語皆明快

蠡勺詩測一卷

文登畢霽著

霽字子彤雍正二年副貢生詩質直無長語而頗

雅健此本有乾隆八年泰安趙國麟序其門人劉

儲鯤為墓志作蠡測集

學步存彙一卷

文登饒珠著

珠字合浦康熙五十一年舉人此本自序為雍正

己酉詩皆沈著文有古致其鞠大參傳慈母行略

皆有史漢筆法

王太常集一卷

福山王漪著

增修聖州府志卷之四  
游字溟波任太常時嘗薦桐城監生葉酉應詞科  
此本雜文十四篇詩四篇乃其後人摭撫成之者  
非定本也

唐梧山集一卷

萊陽唐之儀著

之儀康熙五十四年進士時年七十一其少時嘗  
學於張允掄此本文祇數篇雜代人作公呈書疏  
諸通俗文唯陳健菴詩序趙太常墓表尚清婉不  
失雅裁

偶存草一卷

海陽鞠濂著

濂字溪園貢生能古文有蓮隱集此本其詩集也  
文有曾南豐遺意詩不逮

燕山詩草一卷 蓮城集一卷

福山王顯緒著

顯緒字維章乾隆元年進士自序言少習舉業是  
以詩之爲道未窺一斑云云此從事科場人之恆  
徑不祇顯緒也律多不諧雖誦帶經堂集未有所  
得也

鐵槎樵語二卷

文登于熙學著

熙學字無學附貢生詩多五七言律五古祇數首  
七古則絕無之語清健不俗

叢沅有文鈔一卷

蓬萊叢中芷著

中芷乾隆七年進士此本所鈔合詩文為一册文

清辯滔滔喜傳孝節事尤篤於師友詩有美女篇

七言古一首不工

鐵槎山房詩草四卷

文登劉儲鯤著

儲鯤字培南乾隆六年拔貢生詩豪宕有奇氣

南園題畫詩一卷

萊陽王右弼著

右弼字欽鄰乾隆九年舉人此本乃其手書刻木  
者板不作邊闌界格書法亦秀逸

毓燕堂集二卷

文登呂潤蕃著

潤蕃字孝衍乾隆二十六年優貢生詩清婉不浮  
文有古致其王南溟誌先君子行略敘事得史記  
筆法

草堂雜綴一卷 壺海生詩草一册

福山王鍾泰著

鍾泰字瑞封乾隆三十三年舉人雜綴為古文詩

草有嘉慶四年自序言定分五六卷云云此本凡六十餘葉惟第一葉首署壺海生詩草卷一其下題卷皆雜廁行閒一至四不及四十葉其四祇三葉其五乃三十餘葉則亦非其定本矣

悅軒詩草一卷

海陽鞠莊行著

莊行字慕周諸生有能詩聲昌樂閭考功曰慕周疾時人以堆塚爲典腴云云似其語皆宜清真而此本中有次董曲江韻一首曰鄉思非關巨口魚則不惟堆塚且曲濇矣

澹園詩藁六卷

萊陽趙鈞彤著

鈞彤字絜平乾隆四十年進士所著名止止軒集此本署澹園藁而佚其前三卷第四卷尾題記共一百二十九首今祇存三十五首第五卷一百二十九首第六卷一百三十二首蓋其亡者過半矣存者唯自甲辰冬謫戍伊犁路次山丹縣至辛酉除夕詩凡十八年所作耳鈞彤天資英敏故語皆沈鷲清壯戍所諸作尤多奇氣

文室詩集

海陽李承祖著

坤修登州府志卷之四  
承祖字繩武諸生七言長歌詠悔道人畫馬及指  
墨松鷹二首有唐人風其他多失於蹇頓

煨芋巖居詩集二十卷

福山王善寶著

見已

始乾隆癸未終嘉慶癸酉卷各別署蓋自其年二  
十至七十時所作也語皆雅潔遊盤山諸詩能兼  
韻力其古文序事詳明而不傷猥并

四香閣詩集五卷

福山王餘芋著

餘芋字玉泉善寶子此本自己亥至丁未每卷爲  
一集曰山中吟續吟松霞廣川定武其弟餘莫爲

刻於嘉慶二十年

冠古軒詩集一卷

文登呂肇齡著

肇齡字岐封乾隆四十七年優貢生詩清健淹雅  
不染俗習

松巖集四卷

棲霞牟昌裕著

昌裕乾隆五十五年進士此本其子略所纂年譜  
爲卷首卷一爲奏議二爲古文三爲制義四爲館  
課其奏議頗明切不泛

花嶼草堂詩集一卷

文登林鍾岱著

鍾岱字實甫嘉慶四年進士此本皆其乙卯以前所作雅健蘊籍能入正聲其師呂肇齡定而序之鐵槎詩存八卷

文登于克襄著

克襄字蓮州嘉慶十年進士語皆爽拔而閒少莊雅且多及近世小說中狐鬼事尤嫌纖側不入大方

曬書堂文集

樓霞郝懿行著

懿行長於考據故雜文亦考據為多此本凡百篇皆其雅潔者定為正集

見已

小澥草堂集二卷

樓霞牟願相著

願相字亶夫諸生能詩及古文此本為其婿李某所刻惟古文耳楚辭反招一篇有深意

雪泥屋古文一卷

樓霞牟庭著

見已

庭以經學名其制義為時所重古文亦清逸不俗語意時作談諧是所病也

學半齋文集四卷

福山王延慶著

延慶字白海嘉慶十年進士此本出其手書不分期體不編年第一冊題為遠志小草小示現老人辛



丑以後作二三冊同四冊題示現博士丁未秋云  
云實則自嘉慶壬申訖咸豐辛亥所作皆屨屐其  
閒延慶負奇氣早達而終於冷官其精力壹於博  
覽故詩文皆饒風致而以援引見長其宋冠東傳  
敘次有史記法

九水山房文集二卷

文登畢亨著

亨初名珣後改名以田嘉慶十二年舉人此本爲  
聊城楊以增所刻凡二十二篇精於考據其湯居  
考以爲宜在姑熟南臺說迪篇以爲尚書迪字凡

有十義皆極博辨其辨史記河復非禹故蹟亦爲  
確論

腳跟集一冊

寧海趙程著

程字二洛諸生文少剪裁而不墮塵腐詩皆真率  
而多雜諧語此本有嘉慶四年五年兩自序其甲  
申元日詩自注道光四年八十有四云云亦老學  
之士也

省洲詩鈔一卷

蓬萊徐壽名著

壽名嘉慶六年舉人省洲其別號也詩皆清整

如山奏議一卷 松龕詩存八卷

蓬萊慕維德著

維德字淇瞻嘉慶二十四年進士奏議凡六篇皆奉旨飭部察辦者詩存自序言少學試帖未暇及古今體通籍後偶有吟什云云此治舉業者之通例也與自矜者異矣

牟子詩鈔四卷 宦蜀草六卷

蓬萊張香海著已見

香海極意著述有韻之語不下萬首此二種其一

斑耳亦可以知全豹矣

聽濤山館詩集三十卷

蓬萊慕曰鐔著

曰鐔字心樵

希音閣詩集八卷

海陽趙似祖著

似祖字小晉道光十二年進士

綠綺山房集

海陽李紹聞著

紹聞字字山道光二年副貢生

叢綠軒集五卷

海陽趙洛衍著

洛衍字訪亭道光五年拔貢生

增修登州府志卷之四  
桐園詩草一卷

榮成王佩坪著

佩坪字毅垣諸生詩意清真而少蘊藉

遣餘草二冊

榮成鞠方升著

方升字耐園諸生詩語平率閒有俚調而頗具真意

農菴集一卷

文登宋允和著

允和字繼正增生文有生氣其記序體有古質唯序事多書月日而不著年或但紀甲子使觀者莫稽其時世此則擬古之失也韓昌黎平淮西碑文

實爲此體後人以尚書召誥多士爲解不知二篇與洛誥作於一時而洛誥篇末大書惟七年則二篇皆因明白此古文之密非後人所得藉口也

盧鄉集四卷

萊陽張允齡輯

已見

按原序初集爲制藝中集爲雜體文末集爲雜體詩皆明世邑人士先達者所著此本雜體古文四卷作者共三十七人文凡二百二十四篇乃其中集也萊陽當明季科目雖盛然皆殫其力於制藝故集中所收無以追古作者追國初宋琬始有

先民矩矱以其後出故不載而集中如宋繼澄左  
懋第姜琛沈迥張允掄所作亦具有古法且兼資  
奇氣可與其人並存而一邑文獻亦賴此集不致  
泯沒至今邑前輩之遺文流傳大氏皆出於此集  
也

牟平遺香集十六卷

寧海宮卜萬輯

已見

此本乃輯其州人自五代已訖 本朝嘉慶之季  
所為詩皆選錄之而各於前附以

足備文獻

已上  
總集



70000373

